



Nunavut Niqailliuknaittumik Katimayiita Ilauvikhanut Naunaitkut Titiraq

Quana ilauyumagavit Nunavut Niqailliuknaittumik Katimayiyinut! Uvva ilanggit naunaitkutit Katimayiinggitanut, pitqulia, havaanggalu.

Hunauyuq Nunavut Niqailliuknaittumik Katimayiita?

Nunavut Niqailliuknaittumik Katimayiita amigaittut katimaqatauyut havagviit kavamatkunnit, Inuit katimayiit, kavamaunggittut katimayiit, nanminiqaqtutlu havaqatiriikhutik nakuunahuakhugu niqailliuknaittumik Nunavunmi. Katimayiita ilitturihimayut atauhiinnaq ikayuutikhaq pilimaita amigaitpallaangmatta apikhidjutiinnaqpaqtaat niqailliurniq Nunavunmi. Kihiani, katimayiit havaqatiriittiaqtukhat katimadjutikhaqaqlutik taimaatun ihuakhaiyaangginni pidjutihimmaariagannilu, nakuuyumik pitjutiyaamilu. Hivunikhaa Katimayiita imaa “Tamaita Nunavunmiut piinnariaqaqtut aannialaqinnaittunik, niqainnaqnikluaq, akittuquyakhimanggittutik, niritiaruminaqtut talvuuna pilutik pivikhaatigun pipkaidjutimut Inuit Ikpriyainnitigun, inmi-nakuudjutikhaminut, avatiliqinikkut nakuuyumik pitjutihimmaaqlutik”.

Qanuq aullaqtiqqa Nunavut Niqailliuknaittumik Katimayiita?

Pivalliahimayuq Nunavut Niqailliuknaittumik Katimayiita pitjutihimayaa Makimaniq Upalunggaidjutaata, ilinggaiyainahuarnirmun piplutik Nunavunmut. Makimaniq Upalunggaidjutaata piliuqtauhimayuq inungnit katimaqattakhutik hivulliqtigiplugit Nunavut Kavamanga Nunavut Tunngavikkutlu. Talvuuna, Nunavunmiut ilitturiyut havaqatiriittiarniq ihariyauyuq talvuuna nunallaani tigungmidjutiqaqtut nunavunmilu katimayiit havaglutik piplutik ilitturipkaiyumaplugitlu ilinganik Nunavunmi. Nakuuhivalliavikhaat niqailliuknaittumik ilitturiyaungmat hivullitigiplugu ikiqlinahuakhugit ilinganik. Taapkuatut, Makimaniq Upalunggaidjutaata talvanga piunaliqtut katimaqatiriittiaqtukhanik – uuminga Nunavut Niqailliuknaittumik Katimayiyimik – pivalliavikhaanik hivituyumik, pidjutihimaaqlutik, ilaliutigilugitlu pihimmaaqlutik taaffumamik niqailliuknaittumik Nunavunmi.

Qanuriliulipaqpat Nunavut Niqailliuknaittumik Katimayiita?

Tuhaqtipkailirmatta talvanga May 2014 mit Nunavut Niqailliuknaittumik Katimayiita Ihumaliurutaannik Hulidjutikhaatlu 2014-16 ni, Katimayiita piliuqtut hulidjutikhainnik pidjutikhaayunik siksiuyuni: Niqainnaqnik, Niuviktauhimayut Niqit, Niqigiyuqtaqit, Inuuhimini Ikayuutikhat, Pivalliavikha Nunallaamilu Pitjutinianikhaa, Aturarhaq Maligaliungnikkutlu. Havaqatiriiktut upalungaiyaiyuyut havagtaariamingnik ayurnaqtunik ilaliutiyutlu amigaittut tigungmidjutiqaqtut. Ikayuutauiyuyut pivalliuluqtauhimayut ikayuutikhamingnik nunallaami piunaliqtut nakuuhivalliayaami niqailliuknaittumik. Ihivriungninggat havaat pidjutauyut nalunggitamingnik pivikhaita Katimayiita ilitturiyauhimayunik pidjutiyaami nalunggittunik ihumaliuqtiariamingnik. Havaakhat kavamatuqait aturarhaitnik pivikhaitlu titiraqtauhimayut nakuuhivalliayaami pivikhaqaqlutik Nunavut titiraqtamingnik. Ukuat ilanggit pidjutauihimayut Katimayiita iniqtiqtainik uplumimut.

Katimayiita katimaliqaqtut tatkihiut tamaat (hivayautikkut) uqiuk tamaatlu (katimaplutik) uplumimut ilitturipkaiplutik havaqatiriittiaqtunut, nalvaaqtamingniklu ihivriungnitigiut, uqaqattakhugit ihumagiyainnik, havaqatiriittiangnikkutlu pitjutiplutik ilaayunut katimayiita, uqaqattakhugitlu amigaittunik ihumagiyayut niqailliuknaittutigut...

Qanuqtun katimayiiga ilauniaqqa Katimayiitanut?

Katimayiita piliuqtut Titirarhimayunik Kangirhidjutikhanik – naittumik titiraplugu hivunikhaat, havaakhait havaariyakhaitlu, ilaunikkut pivikhaa, kavamaliqidjutikhat, ihumaliurnikkutlu pivikhaa uplumimutlu ilaunikkut.

Kituliqaa Nunavunmi ittumik katimayiyimik ilaayumayunut Katimayiyikmut pittaaqtut titiraqlutik Titiraqtianut Nunavut Niqailliuknaittumik Katimayiitani. Titiraqtia aggitiniaqtaa piimayut tatkihiut atuquyqittumut Katimayiyinut katimaliqaqtut Katimayiita ihumaliuqtakhaanik. Titiraqtia ilitturipkainiaqtut ihumaliuqtamingnik qaritauyakkut ilaayumayumut katimayiimut katimahuiqqatta.

Kina takuyakhara talvani Nunavut Niqailliuknaittumik Katimayiita Titiraqtianut?

Natan Obed (Co-Chair)
Aulapkaiyi, Inungni Pitquhitigutlu Pivallianikkut Havagviata
Nunavut Tunngavik Inc.
nobed@tunngavik.com
(867) 975-4962

Lindsay Turner (Co-Chair)
Hulipkaiyi Aulapkaiyi, Ilinggaiyainirmun Havagvia, Inuuhiliqiyitkut
Nunavut Kavamanga
lturner@gov.nu.ca
(867) 975-5211

Sara Statham
Nunavunmi Niqailliuknaittumik Tutqikhaiyi, Aanniaqtailiqiyitkunni
Nunavut Kavamanga
[sstatham@gov.nu.ca](mailto:ssatham@gov.nu.ca)
(867) 975-5758

Sharon Angnakak
Niqailliuknaittumik Ihumaliungnikkut Pitquinikkut Tutqikhaiyi, Inungni Pitquhitigutlu Pivallianikkut
Havagviata
Nunavut Tunngavik Inc.
sangnakak@tunngavik.com
(867) 975-4929